

四庫全書

子部

欽定四庫全書

子部

六藝之一錄卷五十三

詳校官中書臣陸湘

負外郎臣牛稔文覆勘

總校官檢討臣何思鈞

校對官中書臣陸湘

贈錄監生臣朱連傑

欽定四庫全書

六藝之一錄卷五十二

錢塘倪濤撰

石刻文字二十八

庠彰長斷碑

右庠彰長斷碑在華陰已斷裂惟存下一段故其姓名皆亡矣所可見者有云先高祖時以吏二千石自齊臨菑徙充關中祖字興先為執金吾弟颺漁陽太守又云元初元年遭家不造三歲喪父事母有柴顛

之行初仕縣主簿功曹郡諸曹史帳下司馬劉君招
命署議曹掾假除百石遷補任尉假印綬守廣平夏
曲陽令庠彰長熹平二年秋七月寢疾不豫最後題
熹平六年十月九日辛酉造按史記及漢書本紀高
祖九年徙齊楚大族昭屈景懷田五姓關中而其四
姓皆楚人自齊徙者惟田氏爾然則此碑所謂高祖
時自齊臨菑徙者其人必姓田氏也

按第五氏亦云
自齊徙關中然

本亦出于
田氏也

庠彰東西漢史皆作斤章

金石錄

斥彰長田君斷碑所存其下一段與趙氏所藏者同
文雖半亡遺字一一明白碑云其先高祖時以吏二
千石自齊臨淄徙關中祖興先為執金吾弟颺漁陽
太守孫布光武中興云云史記徙貴族齊田氏關中
後漢傳朔方人田颺引兵至單于庭迎盧芳入塞帝
紀建武七年盧芳所置朔方太守田颺舉城降則斥
彰蓋諸田之後碑云二年七月卒而缺其年名未有
立碑歲月始知物故在熹平年但斥彰非所終之官

趙氏強名姑仍其舊碑中字札嫵媚甚類華祖華山

亭碑書之者好用奇字

續隸

熹平六年立在華州華陰縣庠彰東西漢史皆作斤

章

漢隸
字原

臨朐長仲君碑

右臨朐長仲君碑文字摩滅其粗可見者云君諱雄

又云歷郡五官掾功曹史辟從事舉孝廉除郎中遷

臨朐長而其額題故臨朐長仲君碑云

金石

益州刺史薛君巴郡太守劉君碑

右薛君碑已斷裂不完惟存上一段而此額尚全題
故漢益州刺史中山相薛君巴郡太守宗正卿成平
侯相劉君碑古無兩人共立一碑者惟見于此爾

金石

錄

漢故益州刺史中山相薛君巴郡太守宗正卿成平
侯劉君碑隸額頗雜篆體其碑髣髴二十行所餘其
上一段他石斷裂不存矣第一行有益州刺史中山

相八字第二行有巴郡太守宗正卿成八字第三
行有惟二君三字餘皆不可句讀蓋前兩行各舉其
官後行始是碑語與廣漢屬國辛李二君碑正同
其間有祭死者及薛劉征討字殆是紀述平寇之事
趙氏誤以為墓刻故云古無兩人共立一碑者又以
劉君為成平侯相詳其額初無相字此蓋王子侯也

續 隸

張侯殘碑

右張侯殘碑張侯者子房也碑已斷裂摩滅不可次
叙獨其額尚完題漢故張侯之碑在今彭城古留城
子房廟中驗其字畫蓋東漢時所立樂史寰宇記陳
留縣有張良墓引城冢記云張良封陳留侯食邑小
黃一萬戶漢為良築城因名張良城今陳留有子房
廟廟貌甚盛余按西漢書地理志注留屬陳故稱陳
留宋亦有留彭城留是也子房曰始臣起下邳與上
會留臣願封留足矣下邳與彭城相近而此碑漢人

所立乃在彭城然則子房所封非陳留明矣城冢記

誕妄蓋不足信也

金石錄

楊君殘碑

碑云當劉項之際有楊武者家於茲邦奕世載德扶而興漢碑多殘闕名字不存獨有元年字上缺不可

考

漢隸字原

後漢殘碑

右漢殘碑不知為何人所存者纔三十二字不復成

文惟云高字幼知其名高又云漢中興復知為後漢時碑而隸字在者甚完體質淳勁非漢人莫能為也

故錄之

集古錄

右隸書今殘缺之餘所存者數十字而有其名字曰

高字幼德其他皆不可知也

集古錄目

司空殘碑

右司空殘碑政和乙未歲得於洛陽天津橋之故墓首尾已不完所存四十五字字畫奇偉其詞有云命

爾司空余回爾輔據此乃嘗為三公蓋當時顯人惜
其不見名氏也碑陰有故吏題名百餘人尤完好筆

法不減蔡邕石經云

金石錄

馮煥殘碑

君諱煥字平侯

下闕

廉除郎中尚書

下闕

遷豫州刺史

鄆別

下闕

以比鮮卑畔逆

下闕

史英書嘉嘆賜錢

下闕

守以永寧二年四

下闕

右馮煥殘碑三十九字其云比鮮卑叛逆則元初六

年詔除幽州時事也其云策書嘉嘆賜錢者馮緄傳
載煥死於獄中帝愍之賜錢十萬當是此事也未有
永寧二年四字蓋其卒之年月也帝紀書建光元年
正月幽州刺史馮煥率十二郡太守討高白驪穢貊
不克四月遼東都尉龐奮承偽璽書殺元菟太守姚
光緄傳云煥為幽州刺史疾忌姦惡元菟太守姚光
亦失人和建光元年怨者詐作璽書賜煥光以歐刀
下遼東龐奮行刑奮即斬光收煥煥疑詔有異上書

自訟病死獄中建光之元即永寧二年是歲七月改元煥以四月終故碑尚用舊年也碑字雖無幾而皆

與史合

隸釋

馮煥碑陰

上 關

曹史

關六字

衡賊曹令史汝南

關

表德官兵曹令史河

內樊晏世寧兵曹令史漢中祝颺孔達士曹令史潁川

闕揚武節集曹令史北海孫登元叙

關

下 關六字 兵

曹史陳國丁武妙生戶曹史汝南

關

臺客曹史汝南

過噉子讓帳下司馬陳國陳景伯載武剛司馬汝南程
旻李劉

右馮煥殘碑陰諸曹史及帳下司馬武剛司馬十餘
人其間有貫穎川汝南陳國者皆豫州舊部也過即

過字嗣即剛字噉即謙字西漢太玄皆有之

諫釋

幽州刺史馮煥神道

故尚書侍郎河南京令豫州幽州刺史馮使君神道

右幽州刺史馮煥神道今在渠州馮緄傳云父煥安

帝時為幽州刺史建光元年卒隸釋有元初六年賜
豫州刺史馮煥詔煥之殘碑有郎中尚書侍五字惟

京令無所見也

隸釋

賜豫州刺史馮煥詔

告豫州刺史馮煥今

下闕

常為效用邊將統御

下闕

內以威

息撫喻杜

下闕

去年鮮卑連犯鄣塞

下闕

過掩卒搗殷無距

捍

下闕

率攝大守以下進退

下闕

曾不表罪誅多

下闕

麗王

宮

下闕

輕狡獮

下闕

織

下闕

絕宮不自效楚

下闕

化頃屬樂浪久

矣下當所謂設訖不定決下月左右欲來犯法下北顧

傷心下煥有下冀煥能竭心盡慮有下上不從化督

錄部下惟前後詔書以前人下侍御史便宜數上下

元初六年十二月

右賜豫州刺史馮煥詔安帝元初六年也首云告豫

州刺史馮煥者漢詔之式如此帝紀注云漢制帝之

下書有四一曰策書編簡也其制長二尺短者半之

篆書起年月日稱皇帝以命諸侯王三公以罪免亦

賜策而以隸書用尺一木兩行書之二曰制書其文
曰制詔三公皆璽封尚書令印重封露布州郡三曰
詔書其文曰告某官云如故事四曰誡敕其文曰有
詔殺某官此詔云去年鮮卑連犯鄣塞列傳云元初
五年秋代郡鮮卑穿塞入寇攻城邑燒官寺殺長吏
發緣邊甲卒黎陽營兵備之其冬又入上谷六年秋
入馬城度遼將軍鄧遵率南軍共擊破之按馮君乃
車騎將軍緄之父緄傳云煥為幽州刺史又煥有墓

闕題云豫州幽州刺史馮使君神道元初季年豫州
境內無盜賊事上谷代郡皆幽州所部詔有北顧傷
心及頃屬樂浪之文亦幽州語也詔中諭其竭心盡
慮而使之便宜數上必是自豫徙幽而賜此詔其石
下斷惟存上八字文意不能詳考煥猶在豫故前尚

稱故官也

隸釋

犯即犯字過即過字搗縣即擣擊字儻即慄字獨

即猶字織即殲字屬即屬字

全上

元初六年立在渠州

益州太守無名碑

永壽元年三月十有九日益州太守闕君平嗚呼懷哉

闕如何我君遭命隕墜國喪雄幹世也罔則吏民闕

立石紀述其辭曰

上闕君其祖後闕五字為漢表磨位闕術闕九字名闕 魏

狉狉獫稟堅良闕 大郡闕有闕 澄內清外以身

帥下誅豪討闕處闕 口闕 消慝述闕以寧貪穢改

操草濁為清犁北安土人歌大平超前守之治迹闕沒

世而無闕當闕五何闕命不豫闕疾徂靈遠近傷切

痛于倉乾闕於舊闕長決闕折而不朽名勒丹書鳴

呼哀哉

亂曰仲尼去魯子君子失路喪賢君子與誰慙失明哲

子入川戶名不滅兮功留後闕子祐孫子

功曹掾建伶闕澤字文闕主闕五字闕二從史牧靡闕二

字元白從史楨棟闕二字闕二字闕二字闕故吏牧靡孫闕字闕二

字 故吏滇池字 關二 字關二 故吏建伶字 關二 字關二 故吏

滇池王關 字關 材故字 關五 字關二 故字 關五 字關二 故字 關五

字 字關二 故吏關下 故吏關下 故吏關二 王字 關四 故吏建伶

李字 關四 故吏關下 故吏關下 故吏關下 故吏關下 故吏關下 故吏滇

池王加字字 關二 故吏穀昌關下 故吏俞元關下 故吏關下 故吏

下 關 故吏關下 故吏關下 故吏關下 故吏關下 故吏關下 故吏關下

下 關七 字 又關六 人 故吏滇池王關 字少下 關一 字 又 關二 人 又 關六 字 字升下 關

一 字 又 故吏關下 故關下 故吏穀昌關下

右益州太守碑以朱爵為額龜蛇為趺龍虎銜壁在
其兩旁一崇碑也首云永壽元年三月十九日益州
太守某君卒其姓獨利滅或有謂之馮君者豈予所
藏偶不明邪碑云澄內清外以身帥下又云貪饕改
操草濁為清則素絲羔羊之風必有光前絕後者夫
丹書鐵契高帝所以申信誓於功臣也後人以斐豹
之事遂指丹書為罪籍講德者不復用之此云名勒
丹書謂丹青也碑之左有功曹掾故吏題名四十八

人皆屬邑建伶牧靡楫棟滇池穀昌俞元之人也僅
有王李數姓可辨名字皆不具矣

諫釋

碑以犁為黎倉為蒼懷即哀字恩即惡字川即坤

字

全上

益州太守碑陰

故吏牧靡陳漢字伯成故吏牧靡楊

闕

字茂材故吏牧

靡

闕下

右益州太守碑陰牧靡故吏三人題名在趺之右此

碑刻五玉三獸下有牛首蜀中漢碑如是者有柳敏
碑陰馮緄墓道雙排六玉碑又有單排六玉碑與此
凡四柳敏馮緄兩碑六者皆同此碑無璜單排碑兩
璜而無瑁鄭氏注周官云璧園象天琮八方象地圭
銳象春半圭曰璋半璧曰璜惟琮但云琮猛象秋為
之圖者皆云琮以方玉刻伏虎之形聶崇義所畫琮
八出如花片陳祥道禮書又云琮體方而四角此碑
之琮則五角單排碑則十角馮柳碑中者則同鄭說

玉人云天子執冒以朝諸侯說者謂冒方四寸其下邪刻之廣狹如圭首諸侯執圭來朝以此冒之所以濟瑞信猶合符也碑有瑁者三獨無六器之琥爾此碑刻瑁圭璋於上琮璧於下其中則鼎列三獸柳敏碑則一禽圖於首一獸為之趺六玉之中有牛首一而貫之以環馮緄碑則其上刻禽獸各一其下一牛首六玉之下又刻兩獸有一人跨其右者單排碑則上朱爵而下玄武其六玉則右璋左圭又雙璜相向

如佩次之璧與琮又次之蜀人名之單排六玉未知
何人冢前物也此碑之主瑁馮緄之璧琮璜則白餘
皆黑也緄墓前又有一碑亦上朱爵而下玄武其中

無文謂之六物碑

隸釋

頻陽令宋君殘碑

無年月字畫是東漢人書

金石錄目

漢故頻陽令宋君表其篆額兩行獨不殘缺碑十行
行有七字惟聖賢之冑丕闢休聲朝廷咨謀來歸靈

字數句成文趙氏所藏者亦是殘碑恐不至如是之
鮮也額之左有令丞簿尉五人題名乃本朝官制其
右有文云後漢潁陽令宋君碑記其辭曰宋君漢良
宰也鄉人宜之今亦缺矣

續

防東尉司馬季德碑

山陽府卒史司馬留碑無年月字畫是東漢人書附

于漢碑之次

金石錄目

山陽府卒史防東守尉司馬君碑其名闕其字季德

有所終之月日而其年則磨滅此云山陽府卒史防
東守尉者以郡曹而攝邑官其本秩自如故猶今之
兼權也防東二字頗曖昧難辨故趙氏以陽山卒史
名之

隸續

碑上殘缺下云故山陽卒史防東守尉司馬留字季

德今題從隸釋

漢隸
字原

處士嚴發殘碑

處士嚴發殘碑所存十有二行行凡十字其大略載

桓譚陳章所言處士嚴發有曾閔之行棲遲衡門誠
于朋友引春秋褒儀甫之事後有聽表門閔復之文
復下字缺蓋邑官稱嚴之行遂表其門閔復其祖徭
而碑之所由立也未有丞汝南番君及戶曹掾題名
當是其時官寮也其首行日月之下有彭城字乃其
鄉國也此碑不見歲月疑其非漢刻雖字畫不工却
不類魏晉以後書法

續隸

處士嚴發碑刻缺無年而有月日

漢隸
字原

司徒掾梁休殘碑

司徒掾梁君碑篆額惟存君碑二字碑錄云襄州穀城有司徒掾梁君碑建安二十七年立此黃初前一

年也豈吳人尚用漢歷乎否則誤字也梁君名休字

元堅為郡五官掾歷郎中光祿主

缺一字

辟司徒府掾

拜新都令有葬年月而缺其所終太守趙君相與謚

之曰貞文子銘詩以三言為文

續錄

在穀城縣西四里建安二十七年立文字磨滅

訪碑錄

任君殘碑陰

蜀人謂之武帝先生任君碑陰可辨者不盈百字而

紀年及名字皆闕

續隸

漢河南尹蘇府君碑額

右漢蘇府君碑額題漢故河南尹蘇府君碑今宣州

太守張叔夜稭仲見寄云在許州道傍無文詞惟此

十字其額耳按東漢時蘇氏最顯者惟蘇章嘗以河

南尹徵未就其他無尹河南者意其為章碑也然章

扶風平陵人而碑乃在許昌未知果是否

金石錄

膠水縣王君廟門碑

無歲月文字殘闕

金石錄

膠東令王君廟門斷碑碑中雖有景武孝昭冲質之
文却有魏后黃初之字而題額以漢者豈膠東是其

祖廟沒於漢代者乎

隸續

西平令楊期碑

右尉氏縣西南四十里三亭鄉楊方村墓南二十步

文字磨滅惟有首尾

天下碑錄

征西大將軍楊瑾碑

在尉氏縣三亭鄉路村

天下碑錄

邊讓碑

在開封縣東北五里墓前

訪碑錄

董襲碑

在開封縣東北墓前

天下碑錄

上谷太守張祚碑

在定州安喜縣東六里

天下碑錄

敏勗碑

在冀州

天下碑錄

賈敏碑

在棗強縣東北三十里

天下碑錄

李固碑

在懷州山陽城內

天下碑錄

劉班碑

魏文帝為兗州刺史封為白馬侯在澶州縣三十里

墓下

天下碑錄

在衛南縣西墓下

訪碑錄

蘇武功碑

在京北府武功縣墓下

天下碑錄

蘇武功碑京北府

金石略

太守樊演碑

在河中府臨晉縣內墓前

天下碑錄

司徒劉竒碑

在華陰縣

天下碑錄

劉黨碑

在華陰縣墓下文字磨滅

天下碑錄

丁儀碑

在虞城縣墓前

天下碑錄

兗州從事丁仲禮碑

在楚邱縣北三里

天下碑錄

陳留太守程封碑

在開封府封邱縣東二里墓下

天下碑錄

執金吾高褒碑

在雍丘縣南五十里大善鄉墓下

訪碑錄

太尉高峻碑

在雍丘縣南五十里大善鄉墓下

訪碑錄

彭府君碑

在中都縣

天下碑錄

劉熙碑

在徐州蕭縣二十五里

天下碑錄

御史大夫鄭君碑

在龔邱縣墓下

天下碑錄

御史大夫鄭宮碑徐州

金石略

尊士倪壽碑

在仙源縣南七十步魯城內

天下碑錄

少傅何君碑

在任城縣墓下

天下碑錄

山陽太守碑

襄州

金石略

在穀城縣西一里古筑城東文字磨滅

天下
碑錄

筑陽侯相景豹碑

襄州

金石略

在穀城縣西一里文字磨滅
訪碑錄

侍中王逸碑

在宣城縣南三里

天下碑錄

僕射荀公碑

在長社縣東北七里墓前文字磨滅

天下碑錄

封觀碑

在項城縣墓前

訪碑錄

蔡昭碑

在隨州光化縣墓前

天下碑錄

嚴君平廟碑

在綿竹縣文字磨滅

天下碑錄

王褒墓碑

在資州資陽縣北二十五里墓前文字磨滅

天下碑錄

南昌太守谷所碑

在耒陽縣東北

天下碑錄

青州刺史劉焉碑

在耒陽縣十五里墓下

天下碑錄

胡騰碑

在耒陽縣南四里

天下碑錄

衡州金石略

陽侯伯墓碑

在犀城墓北

天下碑錄

陽泊侯墓碑成都府

金石略

馬援廟碑

無年月

天下
碑錄

蕭何碑

折作兩段在西京

金石
略

丞相陳平碑

在陳留縣北二十里文理磨滅其額題曰漢丞相陳

平之碑

訪碑
錄

東京

金石
略

大司農陳羣碑

在陳留縣北二十八里有碑篆文大司農陳君墓

寶刻

業編

中平四年立有四碑東京

金石略

邊韶碑

蔡邕書在開封縣東北五里墓前

訪碑錄

幽州刺史牂牁太守張子陽碑

在懷安軍唐化鎮沿江五里許永建四年造

輿地碑目

犍為太守楊洪碑

在彭山縣磨滅不可考究

輿地碑目

學師宋恩等題名

師宋恩元遂師王忠仲舜師郭翔李安師張澤君潤師

楊准卅期師張仁卽游師李衡德仁師羅僵德遠師郗

逵賓高師程旻孟興師闕直進方師王闕朝卿師卽闕

子河師榮寵定闕師戴闕龍闕高師宋闕仲闕下闕史

杜楊闕表師景遷孝通師張柳闕卿師杜闕二方師衡

翔仲卿史闕通闕二孝義掾王山闕二業掾闕世闕二

易掾闕四易掾胡闕三易師張闕元闕易師求闕進闕

易師闕二孝闕尚書掾呂闕三尚書掾闕四尚書掾闕

賊曹史

關二

盛尉陽辭曹史趙漢彥伯穀曹史張儀尉

字

曹史張詡孝舉金曹史羅圃子高穀曹史趙光

節比曹史田

關二

彥兵曹史關苞茂思水曹史楊煇子

禮全曹史

關二

彥

關二

曹史

關二

伯齊

關

曹史

關二

芳

郭亡曹史

關五

曹掾趙

關

季信

關

曹掾張

關四

曹掾

關三

字

申功曹史穎考尉

關三

常洽盛

關五

紀明

關二

掾壽

關孟起

關五

明

後關

右學師宋恩等題名今在成都周公禮殿門之西序

蜀人謂之學師題名其稱師者二十人史二人孝義
掾業掾各一人易掾二人易師三人尚書掾尚書師
各三人詩掾四人春秋掾議掾文學孝掾文學掾各
一人文學師四人從掾位及集曹法曹賊曹辭曹史
又三十二人其漫滅不可辨者十三人漢永平中嘗
為四姓小侯立學置五經師此則蜀郡諸生也當是
郡守興崇學校者鑄石紀德諸生既刻姓名而諸曹
史亦綴其末惜亡其碑不可考爾成都又有左右生

題名一巨碑蓋右學左學諸生也其間江陽寧蜀晉
原遂寧乃蜀晉所置郡歐陽公以為漢文翁學生題

名非也

隸釋

逵即達字

碑凡二一列經師經掾一列文學師諸曹掾史在成

都府府學禮殿高公石室東外壁

漢隸
字原

後漢文翁學生題名

右漢文翁學生題名凡一百有八人文學祭酒典學
從事各一人司儀主事各二人左生七十三人右生

三十人文翁在蜀教化之盛為漢稱首其弟子著籍者何止於此蓋其磨滅之餘所存者此爾

集古錄

右學生題名歐陽公集古錄以為漢文翁學生余獨疑其非是蓋以為西漢時立則字畫不類以為東漢則東漢絕無二名者今此碑二名者凡數人又唐顏有意所書益州學館廟堂記載漢以來石刻皆備獨無此題名使其為文翁學生決不肯漏落余以字畫驗之疑其為晉以後人所立然初無所據未敢遂以

為然其後以地里書參考乃決知非文翁之學生也
題名省幹江陽趙嵩典學從事史寧蜀常仲舒憲道
左生遂寧董朗玄明左生晉原楊容宗長按晉書志
江陽郡蜀劉備置寧蜀遂寧晉原竝桓溫平蜀後置
四郡東西兩漢時皆未有然則此碑為東晉以後人

所立不疑矣

金石錄

平原東郡門生蘇衡等題名

上闕

闕

下字文

闕

門生平原高

下闕

字

下闕

門生東

郡下闕

門生北海劇

下闕

字孟高門生東郡樂平蘇衡

字下闕

門生平原高

下闕

儀字威祖門生東郡樂平高

扶字

下闕

門生

下闕

門生平

下闕

道超門生東郡聊城

路下闕

平原安德

下闕

字

下闕

貴門生陳留

下闕

馬師

門生平原安德寧

下闕

漢興

下闕

門生陳留

下闕

原安德

下闕

字雒子門生東郡

下闕

伯將門生平原安

德

下闕

字方門生陳留

下闕

門生

下闕

子弘門生汝南

南

下闕

楊

下闕

原安德

下闕

武字文祖

下闕

公輔門生平原

安德

下闕

設字伯超

下闕

門生汝南

下闕

字

門生平原

濕陰馬象字世輔門生潁川

下闕

表門生濕陰方

下闕字

次

下闕

門生潁川

下闕

門生平原股丁

下闕

字興祖門生梁

國睢陽

下闕

甫興門生平原股祝循字

下闕

門生下邳

徐祖叔字常真門生南陽樊

下闕

門生

下闕

文超

下闕

門生平

下闕

東平無鹽

下闕

右平原東郡門生蘇衡等題名三十餘人蓋東郡平

原北海陳留汝南潁川梁國下邳南陽東平十郡之

士也姓名多已淪滅或云碑在孔里駐蹕亭前或題
云孔府君碑陰天下碑錄載孔墓之碑凡八隸釋有
其三矣趙氏有元年乙未孔君碣亦不知為何人也如

司空孔扶河東太守孔宏御史孔翊從事孔君德博

士孔志五碑皆世所未見者 碑以股為般隸釋

故吏應酬殘題名

故吏應酬故吏趙溢

右郛

故吏舒苗故吏構宗故吏眾習故吏構田故吏張緒故
吏構會故吏常楫故吏構庭故吏李稱故吏張衍故吏
趙肇故吏構旦故吏常荒故吏苟睢故吏王思故吏王
弋故吏董興故吏魏光故吏李興故吏朱明故吏楊生
故吏王麻故吏王恂故吏呂永故吏唐治故吏馮慈故
吏楊瑋故吏劉賓

右江原

右故吏應酬殘題名共三十人此石所存者橫兩行

爾上一行兩人之後則左右郾字其下一行凡十五人未有右江原字二邑皆隸蜀郡此蓋蜀郡太守碑

陰也

隸
釋

楠即構字肇即肇字

全
上

在成都府列故吏姓名三十人作兩列墨寶云郭氏得之北門魚橋之下後無字非碑陰蓋斷碑爾

漢隸
字原

舉吏張玄殘題名

舉吏汝南張玄殘題名其可見者故吏河南一人門

生東郡三人門人濟南二人門生平原任城各一人

薛令有其官而亡其姓名惟虞升一人郡邑名字及所出錢無一字缺者漢碑稱舉將者有二外黃令高

彪碑及三公山碑其自稱舉吏者獨于此碑見之

續隸

舉吏張玄殘碑三公山碑稱馮君為舉將高彪碑稱文君為舉將今碑則自稱舉吏漢碑僅此三者

漢隸
字原

龍門禹廟題名

此碑二列有四十一人姓名

續隸

公乘伯喬殘題名

所存者一列二人

續隸

繁長張禪等題名

一石三橫今在蜀道

續隸

韓勅孔林別碑兩側題名

沈虞卿名為韓勅碑兩側題名

漢隸
字原

武都丞呂國已下題名

在成都天井碑側仇靖書文

漢隸
字原

高朕石室六題名

成都府學禮殿刻於梁楹石壁間

漢隸
字原

公乘校官掾王幽題名

永熹元年立淳熙二年卬州蒲江縣僧寺治地得之

古無此年號復齋碑目作公乘校官掾王幽

闕
漢隸
字原

酒泉題名

碑九列每列三十二人

漢隸
字原

門生沛國蕭劉題名

山桑城東南有一碑碑文悉破無驗惟碑背故吏姓

名尚存熹平元年義士門生沛國蕭劉定興立

水經注

掾杜峻等題字

在高公石室總目作先生任君等題名今不見任君

字

漢隸
字原

太守張景題字

光和六年立在高朕石室梁上

漢隸
字原

博士題字

在高朕石室中

漢隸
字原

洪農太守張君題字

在高朕石室中

漢隸
字原

六藝之一錄卷五十二

欽定四庫全書

六藝之一錄卷五十三

錢塘倪濤撰

石刻文字二十九

建平耶縣碑

建平者哀帝之紀年其五年已改為元壽矣此云建平五年者與周公禮殿碑相類殆蜀道未知改元耳此碑却無篆體乃西京之佐書也

隸續

建平五年立乾道初始出在永康過紫屏二里道傍

其石三面高卑凸坳刻隨其勢即蔡迨刻記所謂范
功平磨崖碑也復齋碑目作建平范功平治道碑

漢隸

字原

蜀郡守何君閣道碑

蜀郡太守平陵何君遣掾臨邛舒鮪將徒治道造尊榘
閣表五十五丈用功千一百九十八日建武中元二年
六月就道史任閔陳春主

右蜀郡太守何君閣道碑光武中元二年刻此碑蜀

中近出毘陵胡世將承公好藏金石刻紹興己未年
帥蜀尚未見之東漢隸書斯為之首字法方勁古意
有餘如瞻冠章甫而衣縫掖者使人起敬不暇雖敗
筆成冢未易窺其藩籬也蜀人以為尊榘閣碑棧路
謂之閣道非樓閣之閣也邛犍九折坂蓋其地華陽
國志云道至險有長嶺楊母閣之峻昔楊氏倡造作
閣故名焉范書光武之紀年二曰建武曰中元祭祀
志云以建武三十二年為建武中元元年宋荅公紀

年通譜云紀志俱出范氏而所載不同必傳寫脫誤
學者失於精審以意刪去梁武帝大同大通俱有中
字是亦憲章於此司馬公作通鑑不取其說葉夢得
少蘊避暑錄云韓玉汝家有一銅料其銘曰新始建
國天鳳上戊六年紹興中郭浩知金州田夫耕得一
鉦其銘云新始建國地皇上戊二年予案王莽始建
國之後改天鳳又改地皇二器與碑特相類殆莽漢
之際習俗相尚以即位初元冠於新歷之上故此碑

有建武中元之文漢志亦采取一時所記失於筆削
爾東夷傳云建武中元二年倭奴國奉貢蓋與志同

隸
釋

開通褒斜道碑

永平九年立在興元府紹興甲寅帥章德茂得之於

褒斜谷中

漢隸
字原

南安長王君平鄉道碑

永平八年立嘉州夾江縣涇口磨崖復齋碑自作平

鄉明亭開道碑

漢隸
字原

青衣尉趙孟麟羊竇道碑

羊竇道舊故南上高山下入深谷危峻回遠百姓患
苦永初六年青衣尉南安趙孟麟受易由此道濱江平
澤無盜賊差近廿里騎馬擔覓水弱得過除去危難行
人萬姓莫不蒙恩傳于無究乎

維世青衣尉趙君故治所書佐郡督却隨牒除到自六
日郡召守蜀鐵厠長積四月治狀办明徙守成都今後

還歸尉風羊竇故道高危君虔窳

穿字

崖易道盜賊徵止

老弱往來無患時興

典字

主通道者積谿故吏梁汜捕盜

賊王留百姓過者皆蒙恩君延壽萬年

書此盛巨永元十一月九日造

右青衣尉趙君羊竇道碑亦近歲始出於睂山趙君

字孟麟以安帝永初六年穿崖易道行人去危即安

故刊石以志其事字畫甚拙非何君閣道碑之比嘉

州夾江縣又有磨崖四百餘字云平鄉明亭大道北

與茂陽西與青衣越雋通界回曲危險扶風王君為
民興利除害遣掾何章修治故書崖以頌之蓋和帝
永元八年也筆札亦拙又崖石增長字體失真無可

取者

隸
釋

碑以徵為懲駿即峻字更即更字儋即檐字過即過

字

全
上

永初六年立在耆州墨寶云在嚴道縣東三十里

漢
隸

原字

漢安長陳君閣道碑

永建五年立在資州內江縣

漢隸
字原

廣漢長王君治石路碑

表

惟右部官國之珍寶衝路危險俠石磐岩闕道人馬闕

行為民隆害歷世彊久靡有留心長廣漢闕

王君建和二年冬任掾楊闕攻沿治破壞又從涂口字繇

平闕井間道至別鹽得云危就安功夫九百餘日成

就通達永傳億歲無窮記

彌即彌字

弟子楊子欽為佗

闕

定遠

闕六字

造

右廣漢長王君治石路碑以一表字題其上溝洫志
武帝穿漕渠令齊人水工徐伯表注為巡行而表記
之與此蓋同意王君攻治崖路危險去民隆害標表
其事文不滿百在今漢州威宗建和二年楊子欽所

作

隸
釋

建和二年立在漢州隸書表字為額

漢隸
字原

馮君開道碑

馮君開道碑威宗和平元年刻凡六十九字紀其披
山開道人民歡悅之利未有曹史孔固三人題名

續錄

冠蓋里碑

金城縣有太山山下有廟漢末多士其中刺史二千
石卿長數十人朱軒華蓋同會於廟下荊州刺史行
部見之雅歎其盛號為冠蓋里而刻石銘之此碑於
永嘉中始為人所毀其餘文尚有可傳者其辭曰峨

嶽南嶽烈烈離明寔敷俊又君子以生惟此君子作

漢之英德為龍光聲化鶴鳴水經注

闕林山碑

沔水南徑闕林山東本郡陸道之所由山東有二碑

其一即記闕林山文曰君國者不躋高堙下先時或

斷山岡以通平道民多病守長冠軍張仲踰乃與邦

人築斷故山道作此銘水經注

王君造四縣却碑

沙水逕陳城北故陳國也城內有漢相王君造四縣
碑文字剥缺不可悉識其略曰唯茲陳國故曰淮
陽郡云云清惠著聞為百姓畏愛求養賢士千有餘
人賜與田宅吏舍自損俸錢助之成碑五官掾西華
陳騏等二百十五人以延熹二年云云故其頌曰修
德立功四縣內附今碑之左右遺壟尚存基礎猶在
時人不復尋其碑證云孔子廟學非也

水經注

蜀郡屬國辛通達李仲會造橋碑

惟延熹龍在甲辰三月甲子傷民秉集滑自扶攜闕

憂造此花橋闕之闕基改奢就儉莫不安之以五月甲

午竟領道楊闕荷杜仁領道楊瑗闕叙惠勒石文不

能歎一以裒賢君其辭曰

闕我邦乾川垂極闕土執闕汜反側位在角精崖

崖山巒水闕汶江漂闕湍濁道闕正阜棧格陵陵地側

居闕新闕相竟闕官闕夷羌虜賊頃年畔厲有道則

服有闕隘吏民闕栗赫赫

皇辟矜哀下民命彼喉舌拜我

明君惟君至惠應甫及申闕恩裏貧其知如闕漢闕

謀謨若神小閣

明府協同斷金西征鄙國撫育犁元除煩省苛公劉之
仁單甫牧英不忍戰民恤彼闕戲險登陵橋壞求正

歲歲闕津闕滿首闕七闕呵逆汜沈深往往覆沒傷害

行人四縣衝衝老弱所湛耿耿實勞闕二闕慙慙闕三闕日

稷閔比之艱記吉領道杜沂楊瑗作柞橋梁卽爾徒屯

待事楊

關三字

守古荷賊曹掾杜仁至孝殷勤雖不

關四字

出神祇祐助橋遂考

萌兆賴祉子子孫孫百穀豐穰

內外靖安必

關三字

我

君高遷取公

關

侯福沛後昆萬壽無疆干祿億年

關

亂曰

關

我君明且

關

子徠儀于國

關三字

兮吏民河潤

受靈福兮莫不慕化心如結兮

關十字

鼎足期不逝兮

關

領道

關八字

漢嘉楊瑗字

關

領南部道橋掾軍功卒史

漢嘉杜沂字祖長漢嘉盟掾

關

荷吏代誦從吏杜閔

荷吏 省義工 王文宰義工 喬義工 王漢期義工

闕三字 義徒漢嘉 杜 時下闕

右蜀郡屬國辛李二君造橋碑今在雅州碑首刻二人冠帶相向而坐一器居中如豆登之狀後有二人折腰低首雙垂其袖若胡舞者其上橫行有數字惟府卿明府四字不毀二人之下又橫刻十有六字兼篆隸之體曰蜀郡屬國明府潁川陽翟辛君字通達卿健為李君字仲曾其下三字不可曉漢碑無如是

模式者首行云惟延熹龍在甲辰蓋威宗延熹七年也石損字拙頗難想象其辭初云造此橋末云橋遂考又云橋壞求正又云帥徒屯作橋梁而官屬有領南部道橋掾則知此為造橋碑也其辭云扶携濟舟又曰逆流況深往往覆沒又云四縣衝衝老弱所湛則知此橋跨據川險也其云赫赫皇辟矜哀下民命彼喉舌拜我明君惟君至德應甫及申者頌辛君也其云西征鄙國撫育犁元除煩省苛公劉之仁者頌

李君也中有協同斷金之句則知李為辛之佐也二君遣杜沂楊瑗三四輩董此役起三月甲子以五月甲午竟改奢就儉萌兆賴祉故勒石褒嘆而掾史及義工義徒數人皆題其名于後惟二人稱荷吏而杜仁稱荷賊曹掾所不可解鄰邑雖有荷節或有遣吏助之又不應獨用一字也漢志屬國置都尉一人丞一人又注引應劭云大縣有丞左右尉所謂命卿三人小縣一丞一尉者命卿二人隸刻有武開明碑終

於吳郡府丞其子榮碑中書吳郡府卿沈子琚碑有
云縣丞犍為王卿諱某字季河据此及碑則漢人蓋
有稱其丞為卿者此碑不顯題辛君為都尉而謂之
明府則李君稱卿蓋是屬國丞也蜀人謂此為神水
閣碑考其文則謀謨若神是絕句下文二字其水似
小其閣似閣特未能判今摘三語而強名之非也

釋隸

逵即達字舟即舟字衰即襄字犁即黎字

上全

廣漢太守沈子琚縣竹江堰碑

熹平五年五月辛酉朔一日辛酉縣廿縣南關川關宮

關黃

關一

化出家錢建

下

漢世誠明廣被四表南域暨

居蠻夷

關五

戕賊

關

連

關

百姓被

下

三年十月廣漢大

守潁川長暨縣沈君諱

關

字子琚縣廿令安定樊君諱

關以四年三月到官視事到官之初移風

關三

占世土

百姓吏民皆有

關二

之

關五

弱不安躬耕者少溉田公

充諸縣瀕澨

關

以陂田

下

誠道

關五

施以周卹之化疾

犯王憲

關

意吏民

關四

君遣

下

悉

關

其本息繕作瀕澨

化開渠口成而山足

關崔

關下

君遣掾

關三

鄭施都

求掾儀尹便且

關

水曹掾王

關史

下

刑世章築功又破

截崖足開

關本

字

民

關五

池

關四

甫田千

下

難龍易

水田池中通利便好水未

關田

即到

下

關縣十

關足

字消散五稼豐茂

關

民歸附永

關三

辭曰聖帝明明

關

蘭

關

郡

關二

望

下

關川

關五

欲行之兮

關四

以威德兮輔

字關三

夏

關二

後兮

下

關時成

關

兮

關

甚

下

縣丞捷為屬國王卿諱

關

字季河宣陽

關五

水曹史杜

慈字子仁共章

關三字

右廣漢太守沈子琚縣竹江堰碑今在漢州靈帝熹
平五年立沈君字子琚其名不可辨碑載沈君以熹
平三年十月到郡縣竹令樊君以次年三月到縣雖
石多剝缺文句斷續其間指意猶可推尋蓋二人相
繼到官俱以移風惠民為意碑稱其視事之初百姓
躬耕者少漑田丘荒有遣都水掾水曹史等姓名有
繕作瀟灘之句又有陂田及渠口之事未云水田池

中通利便好五稼豐茂人民歸附所紀蓋水利之事也蜀人謂之緜竹江堰碑姑因其名云 碑以長豎

為長社

隸釋

熹平五年立在漢州墨寶云在緜竹縣緜江堰側光

武廟中

漢隸字原

都鄉正衛彈碑

闕四字

闕六國

闕公

伯子

闕呂

闕二十四

其

闕十國

闕勞

用

民

闕九字

於

闕十一

相扶助

卒

闕二十曰

不

彊迄

于中

平二年正月

關

令

關

國寧陵

關

君諱脩字

關十

中

關

以

府丞董察

關

撫昆陽丞

關

亂之餘

關

稱聖烈

關

有林

官凡處

關

循

關六

軫既到庶

關

于

關二

愍夫繇役之不

關乃

惟

關

三

聖之

關二

于有

關

呂

關二

忠於是乎輕

賦

關

關二

富

結單言府班董科例收其

關四

之目

臨時慕顏不煩居民時太守東郡丞襄丞濟陰華林優

卹民隱欽若是由

關五

郡校劉

關

為民約

關三

無窮

自是之後黎民用寧吏無荷擾之煩野無愁痛之

關二

字

因民所利斯所謂惠康之榮

闕景均之

闕字

也政之

闕二

字 於是考成役之艱苦於是

闕頌曰

闕字

命猗歟

我君敦詩說禮寧德于民底

闕輕賦帥約孔均繇役

曰

闕二

士不

闕六

我好爵聿懷多

闕明德惟馨

民曰

闕二

字

耕千耦梵梵乘稷于骨

闕二

永

闕五

不

中明慧通

闕

若五大夫服厲

闕四

為

闕掌領

闕書

闕四

單錢復不

闕

吏

闕五

若其

闕

勸導有功

闕

時

闕

范秩字元睢尉曹掾都

闕

字漢實史張芑字子

才有秩定陵杜則字孝

闕七字

守字國寶陳

闕四字

右都鄉正衛彈碑隸額文十一行頌四行張芑杜則
數人題名二行靈帝中平二年立在汝州昆陽城中
水經魯陽縣有南陽都鄉正衛為碑平氏縣有南陽
都鄉正衛彈勸碑此則其一也趙氏誤認衛為街遂
云莫曉其為何碑予初得已翦貼本續後始獲全碑
考其文則縣令寧陵君承昆陽喪亂之餘愍繇役之
害結單言府班董科例收其舊直臨時募顧不煩居

民太守東郡王瓌丞濟陰華林優恤民隱為之立約自是之後吏無苛擾之煩野無愁痛之聲其大略如此又云因民所利斯所謂惠康之政又有輕賦歛及役艱苦之語頌則美其輕賦均約蓋是紀述守令繇役條教也前書食貨志月為更卒已復為正注云更卒謂給郡縣一月而更者正卒謂給中都官者衛宏漢官舊儀民年二十三為正一歲為衛士一歲為材官習射御騎馳戰陣又云民給正衛材官年五十六

老衰乃得免為民酸棗令劉熊碑云愍念蒸民勞苦
不均為作正彈造設門更此云都鄉正衛彈者與劉

君碑

下缺
隸釋

碑以黎為黎荷為苛梵梵為芄芄顧即顧字瓌即

瓌字墅即野字

全
上

澧水西北流逕平氏縣故城東北城內有南陽都鄉

正街彈勸碑

水經
注

右都鄉正街彈碑在汝州界故昆陽城中文字磨滅

不可考究其歲月略可見蓋中平二年正月而其額

題都鄉正街彈碑莫知其為何碑也

金石錄

中平二年立在汝州水經云平氏縣城內有南陽都鄉正衛彈勸碑又魯陽縣有南陽都鄉正衛為碑舊錄作衛彈在葉縣金石錄作街彈在汝州界昆陽城中文字磨滅不可考隸釋作衛彈以金石作街彈為

誤

漢隸字原

益州太守城壩碑

上闕夫闕矣君之先也肇自軒轅以臻于君闕行布光

耀八闕君纂厥緒闕二之下闕衍然游學魯衛師孔子

門鈎深河雒綜覽典墳於忠報君以禮招歷下闕公闕

獨立君臨危授命迺卦波遡回闕君闕二二百餘人闕

字請闕四尚書下闕漢中先零沈闕羌攻闕三皆犯闕

一之好闕所鄉風靡闕二汁闕四四方會聚萬有餘人

牧守闕四寺闕後使者高闕二君子二督闕二擊治之

所苦史闕故闕五分闕二遣徐福漢龍闕二皆虛不實

關二 不闕 君闕 移闕 收捕闕四 蜀之闕 郭闕 師徒闕七

三府交命遂就大尉歷臺 下闕 八闕二 益州郡縣十八

下闕 十年三司集議闕 君闕 謀首露闕 之闕 有詔拜君

益州大守 下闕 沛水 下闕 流邑無蔽日之宇路無禽鳥

之跡 闕三 所加 下闕 仁慈藜首愛 下闕 師以狗弓衆收

葬路殍 闕 育孤 闕 至弓玄月以 下闕 又闕 恣 闕 所 闕二

小有 闕 人 闕 扶携老小引類而至 闕 人 闕四 鰥寡衆 下闕

十有八手 闕 復 闕 火此殘益州 闕三 賴 闕四 有 闕二 十

二

下闕

之前

闕二字

悉亡

闕三字

之後六

下闕

二

闕二字

廿

闕二字

方

三百里旬月之間

下闕

木

下闕

大圍二尺

闕四字

災

闕

不

下闕

於

闕三字

二百餘人因

闕四字

功後世

下闕

右無名碑蜀人謂之城壩碑未有方三百里圍二尺

字及用人用日數似是記板築事首云肇自軒轅以

臻于君則紀其族系也游學魯衛師孔氏門鉤深河

雒綜覽典墳則美其問學也自此歷官皆利缺多叙

討擊寇攘鳩集流散之事有先零氏羌攻犯及四方

會聚萬有餘人之語三司集議以其有謀詔拜益州

太守餘或句有可讀而上下文不相屬矣

諫
釋

洛陽北界碑

洛縣河水之南岸有一碑北面題云洛陽北界上舊

有河平侯祠祠前有碑今不知所在

水經
注

石門銘

滎陽有浚儀渠建寧四年於敖城西北壘石為門以
過渠口謂之石門西去河三里石銘云建寧四年十

一月黃場石也而主吏姓名磨滅不可復識

水經注

冀州北界碑

代郡靈丘縣高氏山有石銘題云冀州北界世謂之

石門陁

水經注

幽冀二州界石文

北平縣界有漢熹平四年幽冀二州以戊子詔書遣冀州從事王球幽州從事張昭郡縣分境立石標界

具揭石文也

水經注

大石嶺碑

新城縣大石山上有大石嶺碑河南隱士通明以漢靈帝中平六年八月戊辰於山堂立碑文字淺鄙殆

不可尋

水經注

洛陽橋石柱銘

洛陽建春門石橋建兩石柱橋之石柱銘曰陽嘉四年乙酉壬申詔書以城下漕渠東通河濟南引江淮方貢委輸所由而至使中謁者魏郡清淵馬憲監作

石橋梁柱敦勅工匠盡要妙之巧攢立重石累高周
距橋工路博流通萬里云河南尹邛崇隗丞勃海重
合雙福水曹掾中牟任防史王蔭史趙興將作吏睢
陽申翔道橋掾成臯卑國洛陽令江雙丞平陽降監
掾王騰之主石作右北平山仲三月起作八月畢成

水經

洛陽南界碑

汝南出南山北流逕石碣東柱側刊云河南界又有

一碣題云洛陽南界碑柱相對既無年月竟不知何

代所表也

水經注

鄭陂頌碑

鄭渾為沛郡太守於蕭相二縣興陂堰民賴其利刻

石頌之號曰鄭陂

水經注

梧臺里碑

系水北逕臨淄城西北而西流逕梧宮南昔楚使聘

齊王齊王饗之梧宮即是宮矣其地猶名梧臺里臺

甚層秀東西一百餘步南北如減即古梧宮之臺臺
東即闕子所謂宋愚人得燕石處臺西有石社碑碑
猶存漢靈帝熹平五年立其題曰梧臺里

水經注

曲江瀧中碑

瀧水南逕曲紅縣東又云縣昔號曲紅山名也瀧中

有碑

水經注

古司馬城鐵碑

在金鄉縣東南四十里云漢浮陽侯司馬耀所封邑

天下
碑錄

河東地界石記

延熹四年立

金石略

首山復民碑 首山復戶姓名

二碑元年月其字畫皆東漢人書附于漢碑之次

金石

錄

麒麟鳳凰碑

麒麟

鳳凰

右麒麟鳳凰碑凡二石其像高二尺餘圖寫甚有生
意所題四字頗大漢代鳳凰集郡國頻有之惟麟不
多見爾此刻亦猶李翕黃龍白鹿碑之類也又有山
陽麟鳳碑二物共一石其像小於此碑像下有贊云
天有奇鳥名曰鳳凰時下有德民富國昌黃龍嘉禾
皆不隱蔽漢德巍巍分布宣揚又云天有奇獸名曰
麒麟時下有德安國富民忠臣竭節義以修身闕愆

采善明明我君碑陰有記云永建元年山陽太守河
內孫君新刻瑞像最後有銘辭皆篆文也胡承公云
其石兩旁有隸書六十九字趙氏但得其篆予所藏

亦然

隸
釋

右漢麟鳳贊其上刻麟鳳像各為贊附于下又別有
記云永建閏年秋七月山陽太守河內孫君新刻瑞
像麟鳳最後有銘銘凡五句句九字按漢史安帝時
頗有鳳凰麒麟之瑞而順帝永建中則無之不知孫

君刻此碑何謂也

金石錄

濟州碑陰有記云永建元年山陽太守河內孫君新刻瑞像米元章畫史謂此圖半篆半隸題詩云非篆非科璞已凋

中部碑

上闕祭酒謝俊

下闕

主記

闕三字

叔規主簿

闕二字

子闕門

闕史李慈世

闕二字

曹掾任

下闕

右

下闕

曹

下闕

水曹

下闕

周祭

下闕

武功

下闕

史

下闕

伯

下闕

臺

下闕

盛舉

下闕 王元陽下闕 長尊下闕 門下功曹下闕 門下游徼

下闕 主記史下闕 門下賊曹下闕 史闕 球下闕 掾卓下闕

掾闕 宣下闕 曹掾黃闕 章右金曹掾慶嵩元下闕

甫下闕 法曹闕 周順下闕 曹掾闕 子能右賊曹掾下闕

胡真下闕 兵曹掾文雒闕 功曹史謝陽闕 右戶曹

史陳闕 右金曹史王闕 法曹史闕 子慎右賊曹

史王闕 叔闕 兵曹史下闕 供曹史下闕 尉曹史下闕 中

倉曹史任烝下闕 曹史闕 舉下闕 史張闕 元下闕 曹

史

字 闕二

元寸

字 闕二

畫夫鄭憲德量校官主

闕

師周

闕子

堅校官祭酒

闕

冪升舉

闕部

書掾

闕

任定英茂

闕里

祭酒任

下 闕

陽里祭酒李元升

下 闕

新安

闕

里祭酒

闕

郡

字 闕二

卓

下 闕

威

闕

里祭酒卓世

下 闕

明

字 闕二

里祭酒

解

下 闕

永安里祭酒

下 闕

安昌里祭酒楊邦

下 闕

宜遷

里祭酒韓子

下 闕

中東里祭酒

闕

海明

下 闕

西賈里祭

酒任仲禮

下 闕

高陽里祭酒王暘德

下 闕

營里祭酒

闕

德

下 闕

中文營里祭酒周升

下 闕

營里祭酒張永

下 闕

右中部碑隸額今在均州凡題名五十餘人如漢世碑陰而有額謂之中部殊不可曉石理漫滅名字虧有存者所稱諸曹掾史功曹主簿與它碑同其間游徼嗇夫各一人祭酒十六人其一人曰校官祭酒餘則里祭酒也游徼嗇夫漢縣皆有之凡此諸曹史蓋縣吏也成都左右生碑有文學祭酒則此之校官祭酒也如淳曰祭祠時唯尊長者以酒沃酹胡廣曰古者賓客得主人饌則老者一人舉酒以祭地凡官名

祭酒皆一位之元長也西京以宗室為劉氏祭酒著節老臣如蘇武亦有此稱東京擇博士聰明有威重者一人為祭酒此碑所書里祭酒雖未詳所出殆是閭里高年如鄉三老之類者

隸釋

在均州額三字曰中部碑碑云諸曹掾史功曹主簿
晉夫者蓋縣吏如漢世碑陰謂之中部未曉

漢隸
字原

是邦雄桀碑

是邦

闕峻

闕生雄桀遇則國良失

闕字八

羌畔戾

闕

動干

戈州郡時無賦發君設資寶俱謁關五不關人命義關二

字 晉陽侯苗由彼適梁捷為武陽世關七迄君關知關二

字 郡舉貢關五旋關十思關五聲陰陽熨節百穀滋益

洽遠存關三應關七凶孽關二楚荆大史關二君將出

征遠關六人關十十君以關三實布關四率關羣關八

五年政崇關平道不拾遺關六九關十為中興勲少關四

字 不義關四紀其辭曰

上關兮關二兮關四伯關德行光關愛之風關三畏關下

右無名碑以天祿為額其下刻一牛首又有碑陰上
朱鳥而下玄武其中則沒字碑也此碑之首云是邦
峻生雄桀峻之上下各闕一字蓋言其山川孕秀也
其間有晉陽侯苗由彼適梁犍為武陽之句疑其姓
楊而家犍為也其初云畔羌動干戈州郡無賦發君
設貨寶當是出家財以禦寇也其中又有君將出征
及實布字亦是破賊之事碑今在西州字畫類李翊

碑 血即盈字

隸釋

仲秋下旬碑

上漢元成下氏之宗功冠當世下烈不墮厥問錫揔下

淵隲發明憲於事類鄉下蛾附遐邇晞風嘉再卓闕執闕

般桓辭病不降下方華淹瘵繫載和下紀浚闕仲秋下

旬粵日聿下物怛羣儒咨嗟凡下其懷辭白上大明爰

茲衰微三命縮羸悲彼下幽臭背介嬪儷孤嗣禪筑歎

獻懷哉下徵嘉斯闕榮歎獻懷哉

右無名碑字畫清逸頗類故吏所立劉寬碑但石損

字缺所餘無幾其云紀渚者歲在渚灘也仲秋下旬
粵日辛者所終月日也淹瘞累載者久苦沉疴也三
命縮羸者嘗選貢也背爾嬪儷孤嗣禪瑩者有妻帑
也爾雅父為考母為妣嬪婦也郭璞注引詩書大傷
厥考心聿嬪于京明非死異稱冀州郭從事碑哀哀
考妣追惟賈靈卜商號咷喪子失明此碑背爾嬪儷
皆祖爾雅之說禮記生日父母妻死曰考妣嬪後人
自當為二親避獨不以故妻為嬪者豈以妃嬪之故

乎

隸
釋

碑以蛾為蟻禪為單

在綿州額五字上二字不可辨第三楊字第四元字
第五似秀字而不明復齊碑目作楊元君仲秋下旬

碑墨寶云俗以為文處茂碑未詳

漢隸
字原

黃龍甘露碑

墨寶云建安二十四年黃龍見武陽赤城蜀人以為
劉氏瑞應凡二碑大小不侔碑首皆有黃龍甘露之

碑六字其內無一可辨在睢州彭山縣即漢武陽縣地也碑首有十九字又一小碑亦題黃龍甘露之碑其首云惟建安二十四年六月餘皆磨滅本朝人題云時以甲辰歲治平元年三月二十七日轉移此碑碑陰亦多漫滅存者上兩橫每橫三十人名隸釋云

崇寧中為王時彥所磨以刻其說

漢隸字原

真道家地碑

真道家地碑延熹七年真道以錢八千從真教兄弟

市此地廣二十二丈其文戒約後世作冢取土方隅
但得宿山居留不得爭訟舍地怖之以天神誅疾勸
之以勉從孝道戒之以不得違犯先人之約字札柶

碎不能盡述

續隸

延熹七年立在萬州

漢隸
字原

鄭子真宅舍殘碑

上闕所居宅舍一區直百萬

下闕故鄭子真地中起舍一

區作錢

下闕

故鄭子真舍中起舍一區七萬

下闕

故潘

蓋櫻舍并二區十一下闕

故呂子近櫻一區五萬

故像櫻舍一區二萬五千

闕扶母舍一區萬二千

闕二鳳櫻一區三萬

闕二車舍一區萬

闕二奉櫻

一區二萬

闕二

子信舍一區萬

熹平四年闕月丁酉朔

闕桃為後闕弟闕郎中闕賊曹

闕左都字彥和蕪椽史

闕胡恩真道史胡陽闕文闕文

闕陳景玄雄等實闕千九百八十其二百闕舍宅奴婢

財物及臺為闕妻無適嗣祖傳婢闕宜闕分臺祖餘財

物所得

下闕

未知財事

下闕

舉為領

下闕

姊

下闕

精魂未藏而

有怨

下闕

春秋之義五讓為首兼

下闕

右鄭子真宅舍殘碑所存其上數十字餘石碎矣首

云所居宅舍一區直百萬繼云故鄭子真地中起舍

一區七萬凡宅舍十有二區其次有辭語有歲月云

平四年上存四點必熹平也官吏有郎中及賊曹與

掾史又有左都字彥和及胡恩胡陽陳景等姓名似

是官為檢校之文其中有宅舍奴婢財物之句其云

妻無適嗣又云未知財事其前有為後二字則知旋
立嬰孺為嗣也其云精魂未藏而有怨上有一字從
女當是其母則知其親物故未久也未云春秋之義
五遜為首所以戒其宗姓或女兄弟之類息爭室訟
也碑今在蜀中櫻即樓字隸釋

熹平四年立在雲安軍

漢隸
字原

舜子巷義井碑

縣邑

關二
字

宮前以宛

關

汜

關二
字

衣

關

去古

下關

踰疆者

關二弱者下關皆下關鄉下關任然下關丁吉關守字

府下關如縣記利廣興關中下關記下關百下關光和

三年關月下關縣下關發下關州下關計市馬下關四

萬下關辭常下關大關木關三會關三百萬分下關升

關下

右舜子巷義井碑凡二十三行行三十七字石理皴

剥僅有五十餘字依約可辨其間有光和三年知為

漢碑也其始有縣邑二字蓋是敘述其事未有四

萬及百萬等字則是紀其所費也中有彊者弱者之
文當是彊者損其財弱者輸其力也据水經云義井
出隨城東南常湧溢而津注冬夏不異下流與澇水
合又南注于瀕則此非穿鑿之井故工役之費至五
十餘萬碑在隨之舜子巷元祐丁卯年郡守許覺之
始徙于後圃識其陰云五大夫秦爵也秦距今數千
百年漢東故物獨此尚存又刻詩一篇於碑之額云
一千二百餘年外萬事銷磨不可尋舜子井泉誰記

古隨人問巷祇知今隸書字雜科虫體民爵名存樂
石陰登覽時來醒醉目猶勝他物在園林子謂秦人
刻石皆用篆許君不能詳視碑中光和紀年遂指此
為秦碑非也

隸釋

義井碑在隨州石皆皴剝字畫難辨可見者有光和
三年字知為漢碑許覺之元祐中為郡守以五大夫
為秦爵題詩其上指為秦碑誤矣金石錄作魏殘碑

漢隸
字原

魏殘碑碑陰有五大夫姓名

金石錄

義井碑陰

右義井碑陰稱五大夫者三十一人稱分子者六十人摩滅者數人題名之下又有數十字蓋是紀事之辭殘缺無成文者漢承秦制爵十二級其九爵曰五大夫帝紀安帝永初三年三公以國用不足奏令使人入錢穀得為關內侯虎賁羽林郎五大夫緹騎營士又靈帝光和元年初開西邸賣官自關內侯虎賁

羽林入錢各有差則知漢末以貲受爵比屋皆然此
碑五大夫所以若是之衆也惟分子未詳穀梁曰燕
周之分子也注云燕召康公之後分子謂周之別子
孫也景北海碑鴉梟不鳴分子還養蓋用家富子壯
則出分之語謂惡逆之鳥鉗喙無聲外爨之息歸奉
三牲也耿勲碑修治狹道分子効力謂正丁已供差
徭分子亦來助役此碑分子似指土豪出分子之三

碑皆與穀梁合

隸釋

五大夫碑在梁山軍界上字尤漫滅然字乃漢隸

與地

目碑

劉讓閣道題字

建寧元年十月上旬工榘為劉讓造

右劉讓所題十六字相傳云在蜀中閣道建寧者靈

帝年號

漢碑書榘為之榘皆作榘

隸釋

詔賜功臣家字

詔賜功臣家

右詔賜功臣家五大字今在蜀中似是漢人所書其

事不可詳也

諫
釋

張休涯淡銘

磨崖險路銘四言十四句威宗延熹二年三月刻末
有張休姓名姑以名其碑謂此山高擬泰山險比劍
道上眡彼蒼相去能幾行人過茲鮮不垂涕十數年
前歲碑者得之蜀人今尤延之李仲南家有之

諫
續

張休崕浹銘延熹二年立或作磨崖險路銘

漢隸
字原

窆石銘

順帝永建元年五月

金石錄

元祐二年永城下得石如豐碑其上刻銘曰沛國臨
淮時窆石室永建六年五月十五日太歲在未所遭
作大吉利時窆石室候來歸我有之按永建漢順帝
即位之元其年為辛未則謂太歲在未是也傳曰窆
器豐碑之屬然古之制公室視豐碑三家視桓楹而

周制及窆以度為丘隧共喪之窆器蓋豐碑謂斷大木為碑形如石而窆為橫木蓋豐碑之上所以下紼其器不得同者古者君封以衡大夫以緘衡則以木橫之棺傍緘則直以紼繫之不得以木橫其上也鄭衆曰窆謂葬下棺也讀如汜祭之汜左氏謂之備檀弓謂之封昔人謂其聲同也蓋周漢之聲與今自異其事可得考之於此嘗謂墓之有銘在漢則杜鄴甄豐然樹之於外其後如繆襲輩刻官代納之壙中皆

在永建後然刻銘墓中不知何時而於所見者永城
窆石最先他銘志得之知其所由來遠也

廣川
書跋



六藝之一錄卷五十三